

ისნის რაიონის გამგეობა



რაიონის ტერიტორიაზე ქუჩებისა და შიდა ეზოების მიმდინარე საგზაო შეკეთებითი სამუშაოების სახელმწიფო შესყიდვის ელექტრონული ტენდერის

სატენდერო დოკუმენტაცია

ქ.თბილისი

ინსტრუქცია ტენდერში მონაწილეობისთვის

- 1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.
- 1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).
- 1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.
- 1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1. შესყიდვის ობიექტის ტექნიკური პარამეტრები:

2.1.1. ტექნიკური დავალება

ა/ბ-ის ზედა ფენის დაზიანების შემთხვევა

1. დაზიანებული საფარის, ზედა ფენის მართკუთხა გეომეტრიული ფორმით ამოჭრა ფრეზის მეშვეობით, ან ჩაჭრა ასფალტის საჭრელი ხერხით და ამომტვრევა პნევმატური ჩაქუნით.
2. ორმოების ძირის გასუფთავება შეკუმშული ჰაერის ჭავლის და ჯაგრისის მეშვეობით;
3. გასუფთავებულ ზედაპირზე 0.35 ლ/მ² ოდენობის ბიტუმის ემულსიის თანაბარი მოსხმა.
4. ჩატრილი მართკუთხოვანი კანტების გასუფთავება და თვითწებვადი ბიტუმის ლენტით ან თხევადი ბიტუმით დამუშავება.
5. წვრილმარცვლოვანი ა/ბ-ის ცხელი ნარევის კონსტრუქციის შესაბამისი სისქით მოწყობა და მისი ვიბროსატკეპნით შემკვრივება (მცირე ფართის შემთხვევაში შესაძლებელია ვიბრო ფილის გამოყენება); $5\text{სმ} \leq$ ფენის სისქის შემთხვევაში ნარევი უნდა შემკვრივდეს ორ ფენად.

ა/ბ-ის ორი ფენის დაზიანების შემთხვევა

1. დაზიანებული საფარის მართკუთხა გეომეტრიული ფორმით ამოჭრა ფრეზის მეშვეობით, ან ჩაჭრა ასფალტის საჭრელი ხერხით და ამომტვრევა პნევმატური ჩაქუნით;
2. *მსხვილმარცვლოვანი ა/ბ-ის (ქვედა ფენა) ცხელი ნარევის კონსტრუქციის შესაბამისი სისქით მოწყობა და მისი ვიბროსატკეპნით შემკვრივება (მცირე ფართის შემთხვევაში სასურველია მსტუნავი სატკეპნის გამოყენება);
3. ჩატრილი სწორკუთხოვანი კანტების გასუფთავება და თვითწებვადი ბიტუმის ლენტით ან თხევადი ბიტუმით დამუშავება;
4. წვრილმარცვლოვანი ა/ბ-ის (ზედა ფენა) ცხელი ნარევის კონსტრუქციის შესაბამისი სისქით მოწყობა და მისი ვიბროსატკეპნით შემკვრივება (მცირე ფართის შემთხვევაში შესაძლებელია ვიბროფილის გამოყენება); $5\text{სმ} \leq$ ფენის სისქის შემთხვევაში ნარევი უნდა შემკვრივდეს ორ ფენად;

**მსხვილმარცვლოვანი ა/ბ-ის ნარევის არქონის შემთხვევაში შესაძლებელია წვრილმარცვლოვანი ა/ბ-ის ნარევის გამოყენება მისი მაქსიმალური ფრაქციის შესაბამისი სისქით ფენა-ფენა შემკვრივებით.*

ასფალტის ფენილის ბადისებრი დაზიანება

1. დაზიანებული ა/ბ-ის ფენის (ფენების) მართკუთხა გეომეტრიული ფორმით ამოჭრა;
2. საჭიროების შემთხვევაში დაზიანებული საფუძვლის ფენის მოხსნა საჭირო სისქეზე;
3. ახალი საფუძვლის ფენის მოწყობა 0-32 ან 0-40 ფრაქციის ქვიშა-ღორღოვანი მასალით და მისი ვიბროსატკეპნით შემკვრივება (მცირე ფართის შემთხვევაში სასურველია მსტუნავი სატკეპნის გამოყენება);
4. მოწყობილ საფუძველზე მინიმუმ 0.6 ლ/მ² ოდენობის ბიტუმის ემულსიის მოსხმა;
5. *მსხვილმარცვლოვანი ფრაქციის ა/ბ-ის (ქვედა ფენა) ცხელი ნარევის კონსტრუქციის შესაბამისი სისქით მოწყობა და მისი ვიბროსატკეპნით შემკვრივება (მცირე ფართის შემთხვევაში სასურველია მსტუნავი სატკეპნის გამოყენება);
6. ჩატრილი კანტების თვითწებვადი მოდიფიცირებული ბიტუმის ლენტით ან თხევადი ბიტუმით დამუშავება;
7. წვრილმარცვლოვანი ა/ბ-ის (ზედა ფენა) ცხელი ნარევის კონსტრუქციის შესაბამისი სისქით მოწყობა და მისი ვიბროსატკეპნით შემკვრივება (მცირე ფართის შემთხვევაში შესაძლებელია ვიბროფილის გამოყენება);

**მსხვილმარცვლოვანი ა/ბ-ის ნარევის არქონის შემთხვევაში შესაძლებელია წვრილმარცვლოვანი ა/ბ-ის ნარევის გამოყენება მისი მაქსიმალური ფრაქციის შესაბამისი სისქით ფენა-ფენა შემკვრივებით.*

შიდაკვარტალური გზების და ეზოების ფრაგმენტული შეკეთების სამუშაოები

1. დაზიანებული საფარის ზედა ფენის მოხსნა სანგრევი ჩაქუჩით ან ფრეზით საშუალოდ 5 სმ-ზე
2. ორმოების ძირის გასუფთავება შეკუმშული ჰაერის ჭავლის და ჯაგრისის მეშვეობით.
3. ქვესაგები ფენის მოწყობა-შესწორება ფრაქციული ღორღით (0.40მმ საშუალოდ 5 სმ-ზე)
4. მოწყობილ საფუძველზე ბიტუმის ემულსიის მოხსმა.
5. წვრილმარცვლოვანი ა/ბეტონის ცხელი ნარევის $4\text{სმ} \leq$ ფენის სისქით მოწყობა და მისი ვიბროსატკეპნით შემკვრივება.
6. უვარგისი ბორდიურების დატვირთვა ა/თვითმცდელებზე და გატანა ნაგავსაყრელზე 15 კმ-მდე მანძილზე.
7. არსებული და/ან ახალი ბორდიურების მოწყობა-მონტაჟი ბეტონის საფუძველზე
8. ტროტუარის შევსება ფრაქციული ღორღით (0.10მმ საშუალოდ 5სმ-ზე)
9. არსებული საკომუნიკაციო ჭეხის მოყვანა გზის ნიშნულამდე ბეტონის საფუძველზე

2.1.2. საგარეოდ შესასრულებელი სამუშაოების მოცულობები და ხარჯთაღრიცხვის ფორმა მოცემულია დანართი №3-ის სახით:

შენიშვნა: დანართში მოცემული სამუშაოების მოცულობები არის საგარეოდ. ხელშეკრულების მოქმედების პერიოდში ფაქტიურად შესრულებული სამუშაოების მიხედვით მოხდება მათი დაზუსტება-შემცირება ან გაზრდა, ერთეულის ფასისა და ხელშეკრულების საერთო ღირებულების შეუცვლელად.

2.2. მოთხოვნები მატერიალურ-ტექნიკური აღჭურვილობის შესახებ
2.2.1 ტენდერში მონაწილე პრეტენდენტს საკუთრებაში (შესაძლებელია იაჯარა) უნდა გააჩნდეს შემდეგი მატერიალურ-ტექნიკური აღჭურვილობა

№	ტექნიკის დასახელება	რაოდენობა (არა ნაკლებ)
1	ასფალტის ხერხი	2
2	თვითმცლელი*	5
3	მცირე ზომის გლუვდოლიანი სატკეპნი	3
4	საშუალო ზომის გლუვდოლიანი სატკეპნი	3
5	კომპრესორი სამტვრევი ჩაქუნებით	2
6	ასფალტის დამგები	2
7	დამტვირთავი	2
8	ემულსიის მომსხმელი ხელის ან თვითმავალი აპარატი	2
9	ფრეზი	2
10	ხელის ვიბრო სატკეპნი	2
11	ხელის მხტუნავი სატკეპნი	2

* ტრანსპორტირებისას მოხდეს ა/ბ ნარევის ტენტით დაფარვა;
*თერმომეტრით ნარევის ტემპერატურის გაზომვის მიზნით ა/ბ ნარევის გადამტან თვითმცლელის ძარის მარჯვენა მხარეს დატანილი უნდა იქნეს 3 სმ ხერხელი;
*ტექნიკური საშუალების და მანქანა-დანადგარების ტექნიკური მდგომარეობა უნდა უზრუნველყოფდეს შესაბამისი შესრულებული სამუშაოების მაქსიმალურ ხარისხს.

2.3. მოთხოვნები პერსონალის კვალიფიკაციის და გამოცდილების შესახებ
2.3.1 მინიმალური საკადრო კვალიფიკაცია:

- მინიმუმ 4 ბრიგადა;
- ბრიგადაში მინიმუმ 1 საგზაო ინჟინერი სულ მცირე 5 წლიანი შესაბამისი გამოცდილებით;
- ბრიგადაში მინიმუმ 3 კვალიფიციური მუშა.

2.4. ანგარიშსწორების პირობები:

- 2.4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით.
- 2.4.2. ანგარიშსწორება მოხდება უნაღდო ანგარიშსწორებით ლარებში.
- 2.4.3. ანგარიშსწორება მოხდება ეტაპობრივად მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში;

2.5. მიწოდების ვადა და ადგილი:

- 2.5.1 მიმწოდებელმა სამუშაოები უნდა დაიწკოს შემსყიდველის მიერ კონკრეტული დავალების გადაცემიდან არაუგვიანეს 3 დღის ვადაში, შემსყიდველთან შეთანხმებული სამუშაოთა წარმოების კალენდარული გეგმა-გრაფიკის მიხედვით. მიმწოდებელმა ერთდოულად უნდა აწარმოოს სამუშაოები არანაკლებ 4 ობიექტზე. სამუშაოების დასრულების საბოლოო ვადაა არაუგვიანეს 2015 წლის 10 დეკემბერი;
- 2.5.2. მიწოდების ადგილი: რაიონის ტერიტორია.

2.6 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.6.1 რეკვიზიტები დანართი №2-ის მიხედვით;

2.6.2. ხარჯთაღრიცხვა დანართი №3-ის მიხედვით;

2.6.3. ინფორმაცია 2014-2015 წწ-ში შესრულებული ანალოგიური სამუშაოების შესახებ-დანართი 4-ის მიხედვით. პრეტენდენტმა უნდა წარმოადგინოს ანალოგიურ სამუშაოებზე გაფორმებული ხელშეკრულებ(ებ)ის და და მიღება-ჩაბარების აქტების ასლ(ებ)ი;

2.6.4 ინფორმაცია ტენდერში მონაწილის საკუთრებაში არსებული მატერიალურ-ტექნიკური აღჭურვილობის შესახებ დანართი 5-ის მიხედვით. პრეტენდენტმა უნდა წარმოადგინოს ყველა ტექნიკური საშუალებისა და მანქანა-დანადგარების საკუთრების ან იჯარის დამადასტურებელი დოკუმენტაცია;

2.6.5. ინფორმაცია ტენდერში მონაწილის პერსონალის კვალიფიკაციისა და გამოცდილების შესახებ დანართი 6-ის მიხედვით.

შენიშვნა:

1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტს მოსთხოვს ფასწარმოქმნის ადეკვატურობის დასაბუთებას (ტენდერისათვის სტატუსის „გამარჯვებული გამოვლენია“ მინიჭებამდე). ფასწარმოქმნის ადეკვატურობა შესაძლებელია დასაბუთდეს სსიპ-ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნით, შესყიდვის ობიექტის მოწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ტენდერით გათვალისწინებული ვალდებულებების შესრულების შესაძლებლობებს;

2. პრეტენდენტის მიერ ელექტრონულ სისტემაში ატვირთული სატენდერო დოკუმენტაცია უნდა იყოს ხელმოწერილი და ბეჭედდასმული უფლებამოსილი პირის მიერ.

3. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ.თბილისი

--- 2015 წ.

ერთის მხრივ, ქ. თბილისის ისნის რაიონის გამგეობა (შემდგომში „შემსყიდველი“) წარმოდგენილი გამგებლის ----- სახით და მეორეს მხრივ ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონისა და მიმწოდებლის სატენდერო წინადადების საფუძველზე, № SPA----- ელექტრონული ტენდერის ჩატარების შედეგად დებენ სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი“ - ორგანიზაცია, რომელიც ახორციელებს შესყიდვას;
- 1.4 „მიმწოდებელი“ - პირი, რომელმაც მოიპოვა გამარჯვება ტენდერში და ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანია- ----- შესყიდვა ელექტრონული ტენდერის საშუალებით (CPV კოდი -----).

3. ხელშეკრულების ჯამური ღირებულება

- 3.1 ხელშეკრულების ჯამური ღირებულება შეადგენს ----- ლარს;
- 3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.2. მიმწოდებელთან ანგარიშსწორება განხორციელდება, უნაღდო ანგარიშსწორების წესით ეროვნულ ვალუტაში;
- 4.3. მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული სამუშაოთა მიწოდების შემდეგ ხელმოწერილი მიღება-ჩაბარების აქტისა და საგადასახადო ანგარიშ-ფაქტურის საფუძველზე;
- 4.3 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან არაუგვიანეს 20 დღის განმავლობაში.

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 5.2 სამუშაოების მიღება-ჩაბარება განხორციელდება მიმწოდებლის მიერ წარმოდგენილი სამუშაოთა შესრულების ფორმა №2-ის საფუძველზე შემსყიდველისა და მიმწოდებლის საამისოდ უფლებამოსილი წარმომადგენლის ხელმოწერით;

5.3 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ: ქ. თბილისის ისნის რაიონის გამგეობის ინფრასტრუქტურული პროექტების მართვისა და პროექტირების განყოფილების თანამშრომელ(ებ)ი და შესაბამისი დარგის კურატორი გამგებლის მოადგილე.

6. სამუშაოს შესრულების ვადა და გარანტია

6.1. მიმწოდებელმა სამუშაოები უნდა დაიწყოს შემსყიდველის მიერ დავალების გადაცემიდან არაუგვიანეს 3 დღის ვადაში, შემსყიდველთან შეთანხმებული სამუშაოთა წარმოების კალენდარული გეგმა-გრაფიკის მიხედვით. სამუშაოების დასრულების საბოლოო ვადაა არაუგვიანეს 2015 წლის -----;

6.2. მიმწოდებელი ვალდებულია შეასრულოს სამუშაო სათანადო ხარისხით. სამუშაოების საგარანტიო პერიოდი შეადგენს 3 წელს, დაწყებული სამუშაოების გადმოცემიდან. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს 30 დღის ვადაში საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7.2. შემსყიდველი ვალდებულია უზრუნველყოს შესრულებული სამუშაოს ღირებულების ანაზღაურება ხელშეკრულებით გათვალისწინებულ ვადებში;

7.3. მიმწოდებელი უფლებამოსილია მოსთხოვოს შემსყიდველს შესრულებული სამუშაოს ღირებულების ანაზღაურება ხელშეკრულებით გათვალისწინებულ ვადებში;

7.4. მიმწოდებელი ვალდებულია შეასრულოს სამუშაო სათანადო ხარისხით, მხარეთა მიერ ურთიერთშეთანხმებული აქტით გათვალისწინებულ ვადებში.

8. პირგასამტეხლო ხელშეკრულების პირობების შეუსრულებლობისათვის

8.1. ფორს-მაჟორული პირობების გარდა, ხელშეკრულების დამღები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;

8.2. მიმწოდებელი იღებს ვალდებულებას სამუშაოების დაწყების დავალების მიღებიდან 3 (სამი) სამუშაო დღეზე მეტი ვადით გადაცილების შემთხვევაში დაეკისროს საჯარიმო სანქცია ობიექტის ღირებულების 0.5%-ის ოდენობით, ხოლო სამუშაოების დაწყების დავალების მიღებიდან 10 (ათი) სამუშაო დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება;

8.3. სამუშაოთა წარმოების გრაფიკის (ეტაპის) დარღვევის შემთხვევაში, მიმწოდებელს დაეკისრება პირგასამტეხლო სამუშაოთა წარმოების გრაფიკით (ეტაპით) გათვალისწინებული შესასრულებელი სამუშაოთა მოცულობების ღირებულების 0.5%-ის ოდენობით ყოველ გადაგადაცილებულ დღეზე. 10 (ათი) სამუშაო დღეზე მეტი ვადით გრაფიკის (ეტაპის) გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება;

8.4. შემსყიდველი იღებს ვალდებულებას ხელშეკრულების 4.3 პუნქტის მოთხოვნის დარღვევის შემთხვევაში გადაუხადოს მიმწოდებელს პირგასამტეხლო ჩასარიცხი თანხის 0.5%-ის ოდენობით ყოველ გადაგადაცილებულ დღეზე.

8.5. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს

სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

9.4. მხარე ვალდებულია არანაკლებ 5 დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.3. პუნქტით გათვალისწინებული გადაწყვეტილება მიღების განზრახვის შესახებ;

9.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება შეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის ხელმოწერიდან და მოქმედებს ----- ჩათვლით.

13. სხვა პირობები

13.1. ამ ხელშეკრულებით გათვალისწინებელი პირობები რეგულირდება საქართველოს კანონმდებლობით.

13.2. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველი:

მიმწოდებელი:

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. მისამართი : ქ. თბილისი, ნაფთაულის ქუჩა №8-1, მე-2 სართული, საკონტაქტო პირი: კობა ლომჯარია ტელ: 2318892

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- ☐ სატენდერო წინადადების ფასი;
- ☐ სატენდერო წინადადების ფასის გამოთვლის მეთოდი, კოეფიციენტი ან ფორმულა;
- ☐ სატენდერო წინადადების წარდგენა ან წარდგენისგან თავის შეკავება;
- ☐ ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- ☐ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.
თანხმოება

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმომწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის- სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

ინფორმაცია 2014-2015 წლებში შესრულებული ანალოგიური სამუშაოების (გზების მიმდინარე შეკეთება) შესახებ

№	სამუშაოს დასახელება	შემსყიდველის დასახელება	ხელშეკრულების ღირებულება, ლარი
1			
2			
3			
· №			
	სულ:		

შენიშვნა:

1. პრეტენდენტს თუ არ ექნება განხორციელებული ანალოგიური მიწოდება (გზების მიმდინარე შეკეთება) ჯამური ღირებულებით მინიმუმ 120 000 (ასოცი ათასი) ლარი მოხდება პრეტენდენტის დისკვალიფიკაცია;
2. პრეტენდენტმა უნდა წარმოადგინოს ანალოგიურ სამუშაოებზე გაფორმებული ხელშეკრულებ(ებ)ის და მ/ჩაბარების აქტების ასლ(ებ)ი.

პრეტენდენტის დასახელება

სახელი, გვარი, თანამდებობა

ხელმოწერა

თარიღი ბ.ა.

ინფორმაცია ტენდერში მონაწილის საკუთრებაში არსებული მატერიალურ-ტექნიკური აღჭურვილობის შესახებ

№	მოწყობილობა, მანქანა- მექანიზმების დასახელება	აღწერილობა, მოდელი, ტიპი, მარკა და ასაკი	რაოდენობა	მდგომარეობა (ახალი, ნახმარი, მოძველებული)	საკუთარი, იჯარით აღებული
1					
2					
3					
·					
№					

შენიშვნა:

პრეტენდენტმა უნდა წარმოადგინოს ყველა ტექნიკური საშუალებისა და მანქანა-დანადგარების საკუთრების ან იჯარის დამადასტურებელი დოკუმენტაცია. პრეტენდენტს საკუთრებაში ან იჯარით თუ არ ექნება სატენდერო დოკუმენტაციის 2.2 პუნქტით გათვალისწინებული მანქანა-მექანიზმები, მატერიალურ-ტექნიკური აღჭურვილობა, მოხდება პრეტენდენტის დისკვალიფიკაცია.

პრეტენდენტის დასახელება

ხელმოწერა

სახელი, გვარი, თანამდებობა

თარიღი ბ.ა.

ინფორმაცია ტენდერში მონაწილის პერსონალის კვალიფიკაციისა და გამოცდილების შესახებ

№	თანამდებობა	გვარი, სახელი	დიპლომის მიღების თარიღი და ადგილი	დიპლომის №, ვის მიერ არის გაცემული	სპეციალობა დიპლომის მიხედვით	გამოცდილება (მიუთითეთ ობიექტი და/ან მუშაობის ადგილი, ვადები)	შენიშვნა
1							
2							
3							
.							
.							
№							

შენიშვნა:
პრეტენდენტი თუ ვერ დააკმაყოფილებს სატენდერო დოკუმენტაციის 2.3 პუნქტით გათვალისწინებულ მოთხოვნებს, მოხდება მისი დისკვალიფიკაცია.

პრეტენდენტის დასახელება

ხელმოწერა

სახელი, გვარი, თანამდებობა

თარიღი ბ.ა.